



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessio Fidei Exhibita Invictiss. Imp. Carolo V. Cæsari
Aug. in Comicijs Avgvstæ. Anno M. D. XXX.**

Melanchthon, Philipp

Viteberga, 1542

VD16 C 4714

De Vtraqve Specie Coenae Domini.

urn:nbn:de:hbz:466:1-35748

in Ecclesie
boni nrae
; suo regis
intercessio
z, postu
nt repre
s dogmati
am politi
conseru
: propt
e cupen
is consilio
ed ut que
constituen
euicia ali
enus fieri
in Ecclesie
me omni
propagand
entes. In
mine sum
ij estis, c
i in terris
quā uita
rij Dñi

ri Dei uitam & salutem innocentum defendant.

DE VTRAQVE SPECIE
COENAE DOMINI.

Non potest dubitari, quin pium sit, et consensu
taneum institutioni Christi, et uerbis Pauli
uti utraq; parte in Cœna Domini. Christus enim
instituit utraq; partem, et instituit, non pro par
te Ecclesiæ, sed pro tota Ecclesia. Nam non pres
byteri solum, sed tota Ecclesia auctoritate Christi,
non auctoritate humana utitur Sacramento. Idq; fa
teri aduersarios existimamus. Iam si Christus in
stituit pro tota Ecclesia, cur altera species adimi
tur parti Ecclesiæ, Cur prohibetur usus alterius
speciei? Cur mutatur ordinatio Christi? præser
tim, cum ipse uocet eam testamentum suum, Quid
si hominis testamentum rescindere non licet, multò
minus Christi testamentum rescindere licebit. Et
Paulus inquit se a Domino accepisse, quod tradi
dit. Tradiderat autem usum utriusq; speciei, sicut
clare ostendit textus. 1. Corinth. xi. Hoc facite, in
quit, primum de corpore, postea eadem uerba de
poculo repetit. Et deinde. Probet seipsum homo;
& sic de pane comedat, & ex poculo bibat;

Hab

DE VTRAQVE SPECIE

Hec sunt uerba disponentis. Et quidem p̄fatur,
ut qui sunt usuri Cœna Domini, simul utantur.
Quare constat pro tota Ecclesia sacramentum in-
stitutum esse. Et manet mos adhuc in Ecclesiis
Græcis, Et fuit quondam etiam in Latinis Eccles-
ijs, sicut Cyprianus & Hieronymus testantur.
Sic enim inquit Hieronymus in Sophoniam. Sacri-
dotes qui Eucharistie seruiunt, & sanguinem Do-
mini populis eius diuidunt &c. Idem testatur Sy-
nodus Toletana. Nec difficile fuerit magnum ac-
uum testimoniorū congerere. Hic nihil exagera-
mus, tantum relinquimus prudenti lectori expen-
dendum, quid sciendum sit de diuina ordinatio-
ne.

Aduersarij in Confutacione non hoc agunt, ut
excusent Ecclesiam, cui adempta est altera pars sa-
cramenti. Id decuit bonos & religiosos viros.
Erat querenda firma ratio excusandæ Ecclesia-
& docendarum conscientiarum, quibus non po-
test contingere nisi pars sacramenti. Nunc ipsi
defendunt recole prohiberi alteram partem, & ut
tant concedere usum utriusq; partis. Primum fin-
gunt initio Ecclesiae alicubi morcm fuisse, ut una
pars tantum porrigeretur. Neq; tamen exemplum
huius rei uetus ullum afferre possunt. Sed allegant
locos in

locos in quibus fit mentio panis, ut apud Lucam,
ubi scriptum est, qd discipuli agnoverint Christum
in fractione panis. Citant & alios locos de fra-
ctione panis. Quanquam autem non ualde repug-
namus, quo minus aliqui de sacramento accipian-
tur, tamen hoc nō consequitur unam partem tantū
datam esse, quia partis appellatione reliquum sig-
nificatur communi consuetudine sermonis. Ad-
dunt de Laica communione, quæ non erat usus al-
terius tantum speciei, sed utriusq;. Et si quando Sa-
cerdotes Laica communione uti iubentur, signifi-
catur, qd a ministerio consecrationis remoti fue-
rint. Neq; hoc ignorant aduersarij, sed abutuntur
inscitia imperitorū, qui cum audiunt Laicam com-
munionem, statim somniant morem nostri tempo-
ris, quo datur Laicis tantum pars sacramenti. Ac
uidete impudentiam, Gabriel inter ceteras causas
recitat, cur non detur utraq; pars, quia fuerit di-
scrimen inter Laicos & Presbyteros faciendum.
Et credibile est hanc præcipuam causam esse, cur
defendatur prohibitio unius partis, ut dignitas or-
dinis religione quadam fiat commendator. Hoc
est consilium humanū, ut nihil dicamus incivilius,
quod quo spectet facile iudicari potest. Et in Cōfu-
tatione allegant de filijs Heli, qd amissso summo fa-
cerdotio

DE VTRAQVE SPECIE

cerdotio, petituri sint unam partem sacerdotalem
1. Regum. 2. Hic dicunt usum unius speciei significatum esse. Et addunt, Sic ergo et nostri Laici una parte sacerdotali, una specie contenti esse debent. Plane ludunt aduersarij, cum ad sacramentum transferunt historiam de posteris Heli. Ibi describitur pena Heli. Num hoc quoque dicent, Laicos propter penam remoueri ab altera parte. Sacramentum institutum est, ad consolandas, et erigendas territas mentes, cum credunt carnem Christi, datam pro uita mundi, cibum esse, cum credunt se coniunctos Christo, uiuiscari. Verum aduersarij argumentantur Laicos remoueri ab altera parte penae causa. Debent, inquit, esse contenti, Satis pro imperio. Cur autem debent? Non est querenda ratio, sed lex esto, quidquid dicunt Theologi, Hec est έωλονγοσία Ecciana. Agnoscimus enim istas Thrasonicas uoces, quas si exagitare uellemus non defutura nobis esset oratio. Videtis enim quanta sit impudentia, Imperat tanquam aliquis Tyrannus in tragedijs, Quod nolunt, uelint, debent esse contenti. Num haec rationes quascitae excusabunt hos in iudicio Dei qui prohibent partem sacramenti, qui seuiunt in homines bonos, utentes integro sacramento. Si hac ratione prohibent, ut sit ordia

fit ordinis discriminem, hæc ipsa ratio mouere debeat, ne assenciamur aduersarijs, uel si alioqui morrem cum ipsis seruaturi eramus. Alia sunt discrimina ordinis sacerdotum & populi, sed non est obscurum, quid habeant consilij, cur hoc discriminem tantopere defendant. Nos ne de uera dignitate ordinis detrahere uideamur, de hoc callido consilio plura non dicemus.

Allegant & periculum effusionis, & similia quedam, quæ non habent tantam uim, ut ordinationem Christi mutent. Et fingamus sane liberum esse, uti una parte aut ambabus, quomodo poterit prohibitio defendi? Quanquam Ecclesia non sumit sibi hanc libertatem, ut ex ordinationibus Christi, faciat res indifferentes. Nos quidem Ecclesiam excusamus quæ hanc iniuriam pertulit, cum utraq; pars ei contingere non posset, sed autores qui defendunt recte prohiberi usum integri sacramenti, quiq; nunc nō solum prohibent, sed etiā utentes in integro sacramento excommunicant, & ui persequuntur, non excusamus. Ipsi uiderint, quomodo Deo rationem suorum consiliorum reddituri sint. Neq; statim iudicandum est Ecclesiam constituere aut probare, quidquid Pontifices constituunt, præser- tim cum Scriptura de Episcopis & Pastoribus

S ij uaticinus

DE CONIVGIO

uaticinetur in hanc sentenciam, ut Ezechiel dicit,
Peribit lex a sacerdote.

DE CONIVGIO SACERDOTVM.

IN tanta infamia inquinati cœlibatus, audent
uer sarij non solum defendere legem Pontifici-
am impio & falso prætextu nominis diuini, sed
etiam hortari Cæsarem ac Principes, ne tolerent
coniugia sacerdotum ad ignominiam & infamiam
Romani Imperij. Sic enim loquuntur. Quæ maiori
impudentia unquam ulla in historia lecta est, quam
hæc est aduersiorum? Nam argumenta quibus
utuntur, postea recensebimus. Nunc hoc expenda
prudens lector, quid frontis habeant isti nihili ho-
mines, qui dicunt coniugia parere infamiam &
nominia Imperio, quasi uero Ecclesiam ualde or-
net ista publica infamia flagiosarum ac prodigi-
sarum libidinum, quæ flagrant apud istos S. Pa-
tres qui Curios simulant, & bacchanalia uiuunt.
Ac pleraque ne uerecunde quidem nominari que-
unt, quæ isti summa licentia faciunt. Et has suæ li-
bidines castissima dextra tua Carole Cæsar, quem
etiam uetera quedam uaticinia appellant regen-

pudic